

甌北集

高

北

集

甌北集卷十七

起庚寅十月
辛亥卯七月

陽湖 趙翼 耘菘

祭南海廟禮成二十韻

秩祀南溟重時維月孟冬扶胥襟粵會廣利紀唐封地
在九州盡王爲百谷宗周廊簷四角複殿陞三重環楯

威嚴勢垂旒肅穆容介鱗森拱衛禕翟配卬頤

王夫人
亦有像
龕

眞穹碑壯波羅古樹穠玉書無跡考銅鼓有聲春

吳萊古
蹟記廟

有玉簡人不可攷惟
林雷所獻銅鼓尙存

是夕宵氛淨中天月色濃蕭籥升鶴燄炬

火似鰲峯濤戢冰夷怒風收颺母凶星河垂角絡劍佩

集璫琬蜺節悠揚動金支颯沓從羣靈朝貝闕萬派滙

珠深腥氣蜿蜒隊陰光彷彿蹤工歌翔鶴鵲人立舞魚

龍宴娛神應喜歌居禮益恭不揚占浪靜善下豈堤衝
水線安佑客潮田阜澤農永昭清晏德於廊助時雍

登浴日亭

禮罷神祠肅炳蕭振衣千仞躡岑巖雞聲欲白三更日
漁火猶紅半夜潮化羽何當仙島戲採芝未覺祖洲遙
登臨又起滄波興歸路虛舟轉汶寥

俾其送子景滄來就婚

送子爲齊贅間關路幾千官憐需次後俾其與余同年今偶需次交在議

婚前賣犬營奩具牽牛貫聘錢依然兩措大不侈禮文

全

正值門楣喜何因轉惘如頭顱行漸老婚嫁此纔初往

事懷鸞鏡

女爲余亡丙
信恭八出

新妝勉鹿車相期守儒素不遣佩瓊

瑤

石蟹

客來貽我兩郭索石質天成不雕鑿拳丁八跪臍雙尖
滿堂動色海物錯堆盤正擬左手持忽覺硜硜齒難嚼
雙螯執鉞尙如衛一殼成匡不可斲空煩門生議糖餠
枉勞饕子費糠粕可憐彭越真壯士死骨千年猶峩峩
斂盡橫行萬里心化作一卷堅石魄相傳產自崖州濱
寒沙所生本軟弱出水則死不移晷得風而硬已非昨
薦來鐺杓難淪羹不以刀圭堪入藥能令昏目清障翳
兼療熱瘡去煩灼蟹圖十二且未載縱讀爾雅詎云博

始知化工固奇詭繁夥未可臆見度木浮乃有沉香堅
石沉乃有浮磬薄食鐵之獸吐火雞化蜃者雉變蛤雀
繁茲變幻何足異水土陰凝成磊落陋儒少見每多怪
說與但增心膽愕母怪片鱗過函關懸之戶楣可愈瘥

崖山

日落蒼山海氣昏曾傳殘宋水師屯六更漫續庚申帝
一旅難支甲子門身入膠舟無返駕膽焚鐵斗有忠魂
可憐不及章安鎮猶保東南半壁存

章安鎮在明州宋高宗
航海泊舟處見東坡記

慈元殿

宋楊太后同
帝昀居此

中土無家寄海隅數椽椒寢莽榛蕪遺蹤漫擬陽人聚
秦遷周後
於陽人聚塊肉曾攜趙氏孤臣妾僉名羞作表公卿負展

儼成圖最憐涕泣臨危語何減唐宮麥飯呼

永福陵

宋端宗葬處

白楊衰草黯孤墳猶號前朝舊寢園窮海運移朱鳥喙
空山人拜杜鵑魂曾無翁仲環陵闕幸免僧伽掘隧門
想見倉皇營渴葬冬青也復少移根

大忠祠

祀文天祥陸秀夫張世傑

突兀荒祠俯白洋長令過客奠椒漿綸無一旅圖邦復
殷有三仁繫國亡事往南枝猶宰樹年深東海幾栽桑
只今浪打崖山處猶似胥濤氣激昂

番船

峩峩百丈船橫潮若山嶂一載千婆蘭

番語三百斤爲一婆蘭

其巨不

可量前繪鷁首獐旁點魚日睥器大資材多製造費萬
匠山芳水杪櫓取其耐鹹浪兼防磁石觸鎗鐵非所仗
銅以石脂油釘之枕榔杖其艖分數層一一橫板擋闌
竇列銃礮皮閣寶貨藏水櫃百斛泉米囤千石餉入則
繼而下出則絙以上閉成壘穴昏闇有線天亮後樓爲
明窗主者居頗暢玻璃嵌綺疏辟支栽錦帳架土有菜
畦列盆作花當瑣屑無不備益見袤且廣當其泛海來
澎湃乘溟漲柁師視羅經芒芴辨厥嚮張帆三桅竿卷
舒出意翔翹若垂天雲足使紅日障瞬息千百里凌虛
快奔放操舟不以力役使罡風壯混茫一氣中孤行空
所傍星斗互出沒日月相摩盪雨每陰火騰晦或赤光

煬時遇難陀龍掉尾濤激宕亦有摩竭魚欲吞輒引吭
奇險出頃刻奮死起相抗百門佛郎機轟迸毒霧瘴激
射罄弩矢拋擲到在益號咷呼天妃哀慘顙神將力憊
幸得脫魂魄數日喪嗟爾海外人豈愛魚腹葬不惜九
死行爲冀三倍償重利而輕生舉世固同恙伊余過虎
門適遇碇五兩梯登試一觀心目得超曠賈胡碧眼睛
馳曷迴殊狀窄衣緊裹身文縐不挾纊腰帶金錯刀手
斟玉色釀免冠挾入腋鞠躬作謙讓云以敬貴客其俗
禮所尙噫喁語舌人此船縱高閱若在重洋中只如豆
子樣其理固有然斯言信非妄因思九州大稗海環滌
瀋天實間隔之誰能使內向惟中國有聖休氣遠乃望

睹茲重譯通足徵景運旺陋彼漢張騫區區考蒟醬儒
臣忝守土行邊細諮訪時清梯航集洵屬和會鬯亦貴
撫馭宜俾奉條約諒逐末犯風濤其氣頗飛颺奸民暗
勾通市僧諛供養懷柔固在綏瑕纍亦須防作詩諗久
遠不同小海唱

虎門望海

目力將窮境更賒望洋今日得雄誇信知地外皆爲水
應到天邊始是涯蛟蜃嘘還成幻市神仙過或馭飛車
蒼茫何處蓬壺路我欲揚帆採石華

席散偶作

小部梨園夜讌圖千枝畫燭照醴醢笙歌散後虛堂靜

危坐依然一老儒

劉王郊墓

衰草寒蕪一片秋
猶傳粵漢舊郊邱
閨餘天豈分南顧
運去星皆向北流
燿火無靈光久滅
瘞圭何處氣全收
祇聞身作降王長
陪祀班高在汴州

海珠寺

江水從西來海潮自東至
一柱當中流厥惟海珠寺
石根插飛濤碇此百弓地
能隨水長落又似憑虛繫
蒼茫烟波內一朵浪花沸
上有水晶宮凌空擅清闕
層樓入穹漢千里目可寄
高榕森綠陰遠綰雲霧翠
其外樓櫓周礮眼若鱗次
鎖鑰壯都會亦以寓警備
人物鮫壚形

臺殿蜃市氣地真浮玉如名叶照乘譬大水環之流恰
作圓折勢千艘往來繞亦似驪龍戲我來一登臨爽朗
豁心意向疑珠宮名齊諧但誌異豈知今日遊真八圓
光麗其中況迴複層折歷階砌笑比九曲穿乃化爲
蟻

署園漫興

廨害西偏地一區高榕疎柳帶平蕪園非司馬光名獨
景可勾龍爽作圖纖曲半規池影皺玲瓏九曜石身癭
九曜石南漢故物今在學使署而
典司及廣州府署亦各有其一所嫌退食餘閒少未許凝香坐
結趺

宴劉總戎福副戎於署園卽事

高館張燈夕月涼梨園小部奏清商深杯莫負將軍腹
艷曲難爲刺史腸老去閒情惟散誕戲中故事本荒唐
新翻酸段須聽徧笑口能開得幾場

次韻答心餘見寄

白鶴翔雲端青松鬱澗底當代數人物吾友江右士瘦
骨不勝衣恂恂文弱子逸才乃曠代豪氣更蓋世中歲
早循陔樊籠驚決起身是罷官初業方著書始磊落五
千首新詩絕倫比白傅愁壓倒劉楨敢平視聲光映江
介目已無緋紫憶昨初定交中書制草擬暇輒相過從
流連日移晷尋春同隊魚罵座觸邪鴈先後入詞苑揮
毫進綈几詩歌大宛馬賦奏越裳雉最是京兆聞秋清

風日美劇談聲轟然雅謔笑莞爾論文頻剪燭角句時
擁被我方豎降旗君復起摩壘世間無此樂直從太白
死爰及兩山妻情好亦如此餽遺若親串婉婉儼娣奴
年家來往頻熟識到僕婢一朝君買舟攜家竟南徙擺
落爭千秋不計日晷咫已甘菜肚淡詎厭肉食鄙目中
本無人足中任有鬼載酒江湖間讀書巖壑裏盤谷是
耶非捷徑其然豈而我出作郡萬里操鞭箠大官壓滿
頭閒漢養千指滇南况從軍戰鼓聲咽耳草檄腐毫禿
擺邊哨騎駛役滿賦歸與力薄愧億矣內移得善地除
書出尙璽以恩予法開書對至尊憫微臣俯恤到肌理所慚迂鈍質難副繁劇委三

木曉呼內一燈夜判紙師丹每尋忘陽膚但勿喜由來
吏才少時命當坎正目笑烏棲泉人嘔鼠窮披卻憶君
歸田已閱歲華幾未愁子蓬頭何嫌婢無齒叢山主講
席距家亦甚邇君時主叢山書院結社多唱酬掩關無拜跪游戲
初平羊汗漫琴高鯉何當來從游就正一編是久別念
友朋多病懷桑梓緘詩報來章夢迷鑑湖水

原作

蔣士銓

皇帝甲戌春識君矮屋底屢電橫雙眸共稱天下上云
出松泉門提刀冠餘子搖毫涌詞源睥睨無一世春
官俄報罷厥者旋復起同時遼薇省兩人訂交始君
俄入樞密才望絕倫比一手揮七制省吏竊驚視直

氣抗令僕狂名壓金紫堂堂許文君作多進擬辛

巳對大廷萬言移寸唇換筆收波磔恐有披議腐

迷迷五色目第一陳綿凡

廷試時官以讀卷官多素識恐其避嫌見細通變易字跡竟真有識別者果以

第一神山風引迴得處乃成維城故保花郎不若徐公

美京兆壬午聞偕君相激爾坐對論文燈服其吟詩

被譏元交箭鋒說鬼軀鬱壘洋洋同慷慨斯樂可忘

死平生匝月中萬事無過此可憐兩孟光亦復如姊

姒布荆儼伯仲勞苦兼童婢我病奉母歸浮家數遷

徙謂君翔雲霄才啻尺與咫詎擁一麾出遠落蠻夷

鄙瘴癘叢花苗峯嶠布苛烈况復奉軍書馳驟兵戈

裏予辱謫居非止繁從軍豈轉運驅馬牛秣餉操鞭

箠邊塵染雙髻彩筆辭十指當時金閨彥不死幾希
耳班師奏凱歌放君去如駛重開太守衙眷屬久歸
矣徐徐展勞筋細細拭前璽孳孳用拊循井井立條
理誰知清獻孫琴鶴盡捐委寄我雙南金附以書一
紙十詩話行藏兩什訴悲喜誦之歡解頤旋復痛不
正君本著作才夙擅班揚技木蘭發高唱弓衣繡凡
幾想君滇南篇傳唱到金齒歸裝帶風雲邊人歌孔
邇諸蠻賣佩刀馴習知拜跪惠聲河渡虎清節閭懸
鯉政成膺上秩賢者當如是故人曰顏唐行且還桑
梓待君買山資誓約休如水

三君祠